

# Kannen Sant Ignaù



TON : *Avel un daveden.*

DISKAN.

*Eutru Sant Ignaù beniget,  
Doh hun pedenneu cheleuet ;  
Doh omb ni kemeret truhé,  
Hag hun sekouret dirak Doué.*

1. Sant-Aignanis, perhinderion,  
E zou deit hiniù d'er pardon,  
Pedet Sant Ignaù get fian,  
Get-hon hui hoù pou konfortans.
2. Gannet é Spagn, é rank ihuel,  
A dud honest hemb bout santel,  
Ean garas en é ieuankis,  
En inourieu, er brageris.
3. Paj é ti er Roué Ferdinand,  
Ha goudé mestr ur réjimant,  
E galon oé bet gouniet,  
D'er plijadurieu ag er bed.
4. E brezel doh soudarded Frans  
Ema blesset dré ur goal-chans :  
Ur har dehon e zou torret,  
Hag ar é hulé ma dalhet.
5. Pad é glinùed hir ha poénius,  
Ean e houlen lévreu bourus :  
Meit buhé er Sænt ne gaver,  
Aveit diverrat é amzer.

6. Er skuirieu kaer ag er levr-sé,  
E douchas kement é iné,  
Ma n'en dès kin hoant a houdé,  
Nameit klah rantéleh en né.
7. — « Er Soënt, emé-ean, guéharal,  
« E oé tud doh ein-me hanval ;  
« Perag enta mé ne hréhen  
« Er péh ou des groeit er bed-men ? »
8. Nezé ean gommans a-zevri  
Trétein é gorf get rustoni,  
Gober peden, d'en dé, d'en noz,  
Ha kémer nebed a repoz.
9. Karein, mêlein en Eutru Doué  
Ha gloestrein dehon é vuhé,  
Aveit arriù ér barfeted, —  
N'en des kin chonj én é spered.
10. Er huerhies Vari, un nozéh,  
Hé mab Jésus ar hé divrèh,  
E zas de sonnat nerh é fé,  
Ha d'er hargein a leuiné.
11. N'éket erhoadh ma vé santel,  
Un dra e glask hag e zou guel :  
Inourein Doué én é èvreu,  
Salvein eùé en ineanneu !
12. Sklerdereit kaer a ziar-hlué,  
Ean instituas a-nezé  
Urh ken mèlabl er Jézuistred,  
E huélamp é pep leh stréuet :
13. E huélamp e pep leh ataù,  
Gredus el ou zad sant Ignau,  
Predeg d'en ol en aviel,  
Dre ou honzeu, ou skuir santel :

14. E huélamb kondui rétrédeu,  
Kenklous é kér el ér mézeu, —  
Hæ tessaù-mat er ieuankis,  
Hemb doujein poén nag anemis.
15. Erfin er peah én é inéan  
Hag é zelleu saüet d'en nean,  
E ias de glah er gouronen,  
En doé meritet ér bed-men.
16. Get sant Ignaù, o tud fidel,  
Mar é vennamb kémer kentel,  
Cheleuamb doh en avizeu  
En des reit d'emb én é lévreu.
17. — « Jesus, emé-ean, e zakor  
« E hrès d'er galon zou digor,  
« Eit hi digémer a-zevri  
« Ha gober istim anehi.
18. — « Mesk er vertuieu hanaüet  
Lod e zou splan ha lod kuhet :  
Ne garet ket er ré getan,  
Er ré-ral e zou er guellan. »
19. — « Perak hum stagëin doh en doar,  
Leh a dristé hag a hlahar ?  
Na vil, na dister er havan,  
Doh er baradoéz pe sellan ! »
20. — « Mar dé hou puhé ankinus,  
Ne vern neoah bout hirvoudus :  
Pa vehet erhoalh amprouet,  
Douset ur joé e reseüet ! »
21. — « Neb zou é poén pe dizespoer,  
Groeit déhon braüan digémer :  
Devat-oh ema davéet  
Eit bout konfortet pe harpet. »

22 — « Mar vennet-hui kerhet erhat  
Trema en néan, ar en hent mat,  
Biuet dalbeh é doujans Doué  
Ha drest-ol en é garanté ! »

### Achimant.

De heul sant Ignaú ér leh-men,  
Inourein e ramb hoah Sant Méen  
Hag en Itron Varia-en-Erh,  
Lœn aveidomp a vadelêh.

Goudé ou fedein ér chapel,  
P'en doh deit a-dost pe a-bell,  
Kémeret eüé en amzer,  
De huelet ou fetœnien kêr,

En deur ag en teir fetœn-sé,  
En des er vertu, aberh Doué,  
De soulajein kalz tud poéniet,  
De grenhuat dehé ou iêhed.

1903. Mat de vout mollet :

F. ~~de~~ May  
Person Sant-Aignan.

JÉGOUZO,

*vik-jénéral.*

**AVIZ.** — Pardon sant Ignaú, é parrès Sant-Aignan, a ve  
groeit d'er sul arlerh gouil Maria kreiz-œst. Er gouspereu  
e vé kannet d'en dē kent er pardon, nameit pa arriu gouil  
Maria. D'er sul, e vé overen de hueh œr hag overen-bred de  
zek œr hanter